

四庫全書

史部

欽定四庫全書

史部

欽定續通志卷一百

八十五
九十

通鑑司_臣使施朝翰覆勘

總校官原任侍講臣王燕緒

欽定四庫全書

欽定續通志卷一百八十八

宗室傳

宋

宣祖諸子

魏王廷美

彦叔
彦輔
彦侯
彦俞

太祖諸子

燕王德昭

子直
子畫
子松
子標
子砥
師翼
希言
希惺

泰王德芳

子偁
子滿

宣祖五子昭憲杜太后生曹王光濟太祖太宗岐王光

贊陳國夫人耿氏生魏王廷美

按原史於魏王傳首總叙太祖兄弟今依鄭例

錄為標題
以昭畫一

曹王光濟蚤薨宋興追封邕王後改封

魏悼王廷美字文化本名光美太平興國初改令名建

隆元年授嘉州防禦使遷興元尹山南西道節度使乾

德二年加同中書門下平章事徙永興軍節度使大宗

即位加中書令開封尹封齊王進封秦王七年柴禹錫等告廷美驕恣將有陰謀竊發罷開封尹授西京留守詔樞密使曹彬餞廷美於瓊林苑柴禹錫等以告陰謀升擢有差陳從龍等坐交通廷美及受其燕犒皆貶責趙普再相廉得盧多遜與廷美交通事上聞帝怒多遜下御史獄捕繫中書守堂官趙白秦府孔目官閻密小吏王繼勲樊德明趙懷祿閻懷忠等雜治之皆伏罪太子太師王溥等議奏多遜及廷美顧望呪詛大逆不道

宜加誅滅詔削奪多遜官爵并家屬流崖州廷美勒歸
私第趙白閻密等皆斬於都門外又詔廷美男女等宜
正名稱德恭等仍為皇姪皇姪女去雲陽公主號降韓
崇業右千牛衛率府率去駙馬都尉號並發遣西京趙
普以廷美謫居西洛非便復令知開封府李符上言廷
美不悔過怨望乞徙遠郡以防他變詔降為涪陵縣公
房州安置八年廷美母陳國夫人耿氏卒雍熙元年廷
美至房州憂悸成疾卒年三十八帝聞之悲泣追封涪

王謚曰悼初昭憲太后不豫命太祖傳位太宗趙普於
榻前為誓書藏之金匱欲太宗傳廷美而廷美復傳德
昭故太宗既立既令廷美尹開封德昭實稱皇子德昭
不得其死德芳相繼天絕廷美始不自安已而禹錫等
告廷美陰謀帝召問普普願備樞軸以察姦變復密以
昭憲太后顧命及先朝自愬事上之帝訪得普前所上
章并發金匱得誓書遂大感悟他日太宗嘗以傳國之
意訪普普曰太祖已誤陛下豈容再誤邪於是廷美遂

得罪

謹按通鑑輯覽

御批廷美之得罪皆成於趙普其始因多遜之毀請備樞軸
察姦變以自執不過患失之一念繼乃構成冤獄生以大
逆止圖報復多遜夙嫌而於廷美毫無顧忌老奸伎倆日
甚一日至譏李符上言必欲置廷美於死而後已則天良
漸滅盡矣普膏自負議論語鄙夫無所不至之句豈未經見乎

至道初命司門員外郎孫

贇為皇姪諸孫教授廷美諸子之在京者肄業焉真宗

即位追復故官仁宗時贈太師尚書令徽宗即位改封

魏王子十人德恭衡州防禦使贈護國軍節度使高密

郡王諡慈惠德隆官沂州守贈宗信軍節度使同平章

事臨沂郡公

按世系表作贈廣平郡王東都事
畧作左武衛大將軍贈平陽郡王

德彝保

信軍留後贈昭信軍節度使潁川郡王諡安簡德雍天

平軍留後贈宣德軍節度使同平章事廣陵郡王諡康

簡德鈞右監門衛大將軍贈河州觀察使安鄉侯德欽

右羽林將軍贈雲州觀察使雲中侯德潤左羽林將軍

贈應州觀察使金城侯德文武勝軍節度使同平章事

封東平郡王兼侍中贈太尉中書令申王諡恭裕德愿

左武衛大將軍贈涼州觀察使姑臧侯德存左羽林將

軍贈洮州觀察使洮陽侯故事皇族封王者物故則本
宮之長封國公其後以次受封於是德鈞子承簡屬最
長襲封徐國公官至保康軍留後贈彰化軍節度使安
定郡王諡和懿承簡薨德雍子承亮襲封昌國公神宗
即位改封榮熙寧二年詔宣祖太祖太宗之子皆擇其
後一人為宗世世封公以奉祀承亮以傳嫡承襲封秦
國公奉廷美祀贈樂平郡王諡恭靜子克愉嗣克愉卒
子叔牙嗣

岐王光贊蚤薨追封岐王後改封

叔近魏王玄孫榮良公克類子建炎元年為秀州守杭
卒陳通反詔辛道宗將西兵討之兵潰為亂抵秀州叔
近乘城諭以禍福亂兵乃去未幾差權兩浙提刑招通
通聽命及入城賊衆猶不解甲叔近置酒推誠待之遂
皆感服因奏通初無叛心緣葉夢得賞不時給遂至紛
爭今已就招請赦其徒二百餘人曾臺諫皆言不可遂
寢已而王淵兵至杭詐傳呼趙秀州來紹通郊迎遂誅

之初淵在汴狎娼周氏後歸叔近淵銜之誣以通賊奪職拘於州以朱芾代之芾肆殘虐軍民怨憤小卒徐明率衆囚芾迎叔近領郡事叔近不得辭因撫定之請擇守於朝奏未達朝廷命張俊致討俊淵部曲也辭行淵謂之曰叔近在彼俊喻意領兵至郡叔近出迎俊叱令置對方操筆羣刀遽前殺之明等反戈嬰城縱火驅掠俊捕誅之取周氏歸於淵紹興九年御史訟其寃贈集英殿修撰有叔向者魏王之系也方汴京破時潛出之

京西金人退引衆屯青城入至都堂叱王時雍等速歸
政置救駕義兵其後為部將于渙上變告叔向謀為亂
詔劉光世捕誅之

彥俟字安卿魏王七世孫父公廣饒州太守彥俟初調
漂陽尉邑民潘氏兄弟橫邑中號三虎畜僮僕數百邑
官莫敢誰何彥俟白守治之正其罪歷平江府推官攝
宜興縣縣自中興後預借民明年稅民挾此得慢其令
彥俟請禁之邑遂易治知於潛縣縣胥往往通臺省吏

得肆其奸彥侯執其黠者械送抵罪開禧初知興國軍
歲旱蝗軍需益急屬邑令吳格負上供銀彥侯坐累貶
秩格愧謝彥侯曰屬時多艱宜寬民力以崇根本何謝
為潰卒據外城為變彥侯募人斬捕之散其餘黨累遷
湖南運判獠人羅孟傳反累歲不能平彥侯謂帥臣曰
獠人讐殺乃其常情況主斷不平是激之使叛也能遣
謀者離其黨與俾還自相讐破之易矣帥從其計遂降
之尋知紹興府復鹿鳴禮置興賢莊以資其費築捍海

石塘亦置莊以備增築會旱饑彥俟第民高下損其稅免輸湖籍田米舉緡錢四十萬以助荒政民賴以濟歷知太平州調江西轉運使嘉定十一年卒

彥櫛字文長魏王七世孫祖訓之在忠義傳彥櫛登乾道二年進士第尉樂清會大旱令循故事禱雨而責租益急彥櫛曰損歛已責所以招和氣何禱為慶元中擢監登聞檢院時韓侂胄方柄用朝士悉趨其門彥櫛切歎惋出知汀州州民葉姓者嘯聚汀贛間彥櫛遣將捕

戮之累遷廣西提刑佖曹死詔檢詳士大夫前與兵議者坐佖曹黨將併逐之彥楠歎曰士方以偽學廢今又以兵端斥苟欲錮士何患無名每見帝必言才難遷湖廣總領舊士卒物故大將不落其籍而私其月請彥楠置別籍稽核之或傳軍中有怨言彥楠曰不樂者主帥耳何損士卒持之三年掛虛籍者贏三萬額減錢百萬緡用度以饒知平江府郡之崑山並大海盜出沒莫可蹤迹彥楠奏分其半置嘉定縣屯兵以守轉寶謨閣待

制卒

彥逾守德先魏王七世孫紹興三十年登第淳熙五年
知秀州累遷太府少卿四川總領初入境利西帥吳挺
遣屬吏安丙來迓彥逾從容問之曰太尉統衆六萬得
無虛籍乎丙以情告彥愉俾損虛籍以寬民賦挺不敢
隱累遷工部尚書孝宗崩光宗疾不能持喪樞密趙汝
愚議立嘉王欲倚殿帥郭杲為用遣中郎將范任告之
杲不應杲嘗被誣彥逾為白於帝杲德之遂馳告杲曰

樞密第能謀之太尉為國虎臣當任其責杲未及對彥
逾急責之杲遂領兵為衛寧宗即位以端明殿學士出
知建康兼江東安撫使未行改四川安撫制置使兼知
成都府以定策勲累遷資政殿大學士嘉泰間知明州
兼沿海制置使嘉定間乞祠以歸卒彥逾始與汝愚協
濟大計冀汝愚引己共政及外除頗觖望乃疏當時名
臣上之目為汝愚黨帝由是疑汝愚吳氏世守武興兼
利西安撫操重權吳挺卒朝廷用丘宙議併利西安撫

於東路以草世將之弊而彥逾奏復利西安撫後吳曦因之以生變人以是咎彥逾云

太祖四子孝惠賀皇后生滕王德秀燕王德昭舒王德林孝明王皇后生秦王德芳

按宋宗室傳標題俱不載其母氏今摺文獻通考輯

補以符
鄭例

滕王德秀蚤亡徽宗時追賜名及王封

燕懿王德昭字日新乾德二年出閣故事皇子出閣即封王太祖以德昭幼冲欲其由漸而進授貴州防禦使

開寶六年授興元尹山南西道節度使同中書門下平章事終太祖世竟不封以王爵太宗太平興國元年改京兆尹移鎮永興始封武功郡王詔與齊王廷美班宰相上四年從征幽州軍中嘗夜驚不知帝所在有謀立德昭者帝聞之不悅及歸以北征不利久不行太原之賞德昭以為言帝大怒曰待汝自為之賞未晚也德昭退而自刎帝聞驚悔往抱其尸大哭曰癡兒何至此邪贈中書令追封魏王

謹按通鑑輯覽

御批軍中謀立德昭並無形迹可指或譏人構釁揣測猜嫌而為之亦未可定太宗遠責以待汝自為則德昭雖欲不死而不能可知太宗傳子私念不待趙普贊成而早定於胸中矣抱哭追封固無解於渝盟之過所謂欲蓋彌彰耳

賜諡後改吳王治平元年改越王

案東都事畧德昭改封越王在治平元年

今據補徽宗即位改燕王子五人惟正惟吉惟固惟忠惟

和惟正由保信軍節度觀察留後特拜建寧軍節度使卒追封同安郡王諡僖靖無子以惟忠子從謹為嗣惟吉字國祥生甫彌月太祖命輦至內廷擇二女媪養視之出入常從太祖崩惟吉纔六歲晝夜哀號孝章皇后

慰諭再三始進饘粥太宗即位猶在禁中日侍中食太平興國八年始出居東宮授左監門衛將軍封平陽郡侯進封安定郡公至道二年授閬州觀察使凡邸第供億車服賜與皆與諸王埒自餘王子不得偕也真宗即位授武信軍節度加同平章事大中祥符初改感德軍節度三年薨追封南陽郡侯諡康孝惟吉好學善屬文性至孝孝章皇后撫養備至親為櫛沐咸平初以太祖孝章畫像服玩器用賜惟吉歲時奠享哀慕甚至每誦

詩至蓼莪篇涕泗交下宗室推其賢孝雅善草隸飛白
真宗命藏祕閣明道二年封冀王子守節守約守巽守
度守廉守康惟固字宗幹本名元振太平興國八年與
惟忠並改賜名授左千牛衛將軍是冬卒惟忠字令德
初名文起四遷右龍武軍真宗即位改右千牛衛大將
軍大中祥符二年進左監門衛大將軍叙州刺史五年
進昌州團練使八年卒贈鄂州觀察使追封江夏侯明
道二年加贈彰化軍節度使追封舒國公子從恪從藹

從秉從顥從謹從質從信從謹惟和字子禮端拱元年授右武衛將軍歷右驍衛神武龍武軍右衛將軍大中祥符四年遷右千牛衛大將軍六年卒贈臨汝侯明道二年追封清源郡公惟和好學工筆札優游典籍以禮法自居宗室推重及卒帝謂宰相曰惟和好文力學加之謹愿皇族之秀也不幸短命嗟悼久之子從審從誨慶厯四年詔封十王後以惟忠子從藹襲封潁國公而惟吉子守巽以冀王後最長與從藹同封守巽和州防

禦使贈楚國公從藹齊州防禦使贈韓國公守巽從藹

卒以惟忠子從信

按東郡事畧從信作惟因于考世系表惟因無後從信亦作惟忠子事畧

誤

襲封榮國公官雄州防禦使贈楚國公從信卒以惟

忠之孫從恪子世規襲封崇國公官沂州防禦使卒守

巽子世清茂州防禦使封申國公熙寧中遷越州觀察

使襲封越國公進會稽郡王終保信軍留後贈號王子

令廓嗣先是熙寧中詔封秦王孫從式為安定郡王奉

太祖祀從式薨改封越王曾孫世準

按文獻通考作從式薨改封德昭曾

孫世清為安定郡王秦王德芳傳及東都事畧亦俱作世準考世清乃守翼子世準乃從藹子皆越王曹孫本傳止云世清於熙寧中襲封越國公進封會稽郡王無襲封安定郡王之文而通考則云世清以熙寧五年嗣封世準以元豐七年嗣封是世清薨後藹從誨子世開以世準襲封也傳或有脫畧今附識於此

藹薨復以從藹子世雄襲藹以從信子世福襲藹又以秦王玄孫令盪襲藹令庇以年長爭襲朝廷用禮官言燕王太祖長子正當襲封令庇小宗不當與之並議遂定自宣和末停封至紹興元年令詒始得襲封自是至嘉定襲封者十五人惟令時令應令詠令衿迹頗著餘

俱無足稱

子直字正之燕王五世孫寶文閣待制令鑠子以蔭補承務郎遷河南少尹累進龍圖閣祕閣修撰除陝西轉運副使初蔡京鑄夾錫錢民病壅滯子直請鑄小鐵錢以權之既成子直奏令民以舊銅錢入官易新鐵錢旬日易百餘萬緡帝手札以新錢百萬緡付五路均糴細麥命子直領其事蔡京再相言者希京意論子直亂錢法落職奉祠靖康初復祕閣修撰金人侵洛子直奔荆

南潰兵祝靖盛德破荆南城時京城已破子洹泣說之
曰君輩宜亟還都城護社稷取功名無貪財擾州縣也
皆應曰諾子洹因草檄趣之靖等遂北行紹興元年召
見復徽猷閣直學士知西外宗正司改江西都轉運使
會建督府軍須浩繁子洹運餉不絕以功進寶文閣直
學士三京新復除京畿都轉運使以疾卒

子崧字伯山燕王五世孫登崇寧五年進士第

按徐夢莘北盟

會編作崇寧二年貢禮部奏名第一

宣和間累除徽猷閣直學士知淮寧

府汴京失守起兵勤王聞張邦昌僭位以書白康王宜遣師邀金人河上迎請兩宮問罪僭逆若議渡江恐誤大計遂與知潁昌府何志同等盟傳檄中外已而聞金人退引兵趨襄邑遣范埴徐文中詣濟王請王進兵南京王命子崧充大元帥府參議官東南道都總管移書責邦昌速宜反正邦昌家在廬州子崧檄通守趙令儻譏察之且請誅其母子以絕姦心又遺書責王時雍會邦昌遣使迎王子崧即貽王書請先謁宗廟覲母后明

正誅賞降霈四方遂傳檄京師尋以所部兵會濟州高宗即位子崧請放諸路常平積欠錢又言臺諫為人主耳目近年用非其人率取旨言事請遵舊制聽學士中

丞互舉因建三屯之議一屯澶洲一屯河中陝華一屯

青鄆間以備敵除延康殿學士知鎮江府兩浙路兵馬

鈐轄復論列王時雍徐秉哲吳升莫儔范瓊胡思王紹

王及之顏博文余大均等左右賣國宜明正其罪

按子崧家

傳載高宗即位授延康殿學士因建三屯之議復論列王時雍等為其黨所忌用陰謀使出知鎮江據此則除

學士在建三屯議之前知鎮江在
論列王時雍等之後令姑仍原文

賊趙萬犯鎮江子崧

遣將擊萬於丹徒調鄉兵乘城為備官軍敗鄉兵驚潰
子崧率親兵保焦山賊遂據鎮江後與御營統制辛道
宗有隙道宗求得其起兵檄文上之語涉不遜帝震怒
不欲暴其罪坐擅棄城降單州團練副使謫居南雄州
紹興二年復集英殿修撰而子崧已卒於貶所

子櫟燕王五世孫登元祐六年進士第靖康中為汝州
太守金人再渝盟破荆湖諸州獨子櫟能保境土李綱

言於朝遷寶文閣直學士尋提舉萬壽觀紹興七年卒
子砥燕王五世孫令珣子官鴻臚丞北遷至燕山久之
遣其徒朱國寶王孝安至中京求得上皇宸翰懷之以
歸建安二年六月至行在帝命輔臣召問於都堂子砥
言金人講和以用兵我國斂兵以待和譬人畏虎啗虎
以肉食盡終必食人若設陷穽待之庶能制虎因復故
官已而賜對稱旨命知台州卒

子晝字叔問燕王五世孫累官憲州通判宣和初充詳

定九域圖志編修官詔為刑部員外郎建炎四年遷吏部員外郎尋用大宗正士僊薦遷尚書左司員外郎以功進秩一階試太常少卿集太常因草禮八十篇為二十七卷上言復春分祀高禘禮除權禮部侍郎累求補外遷徽猷閣直學士知秀州既而奉祠以歸卒

師霁字從善燕王七世孫和州防禦使伯驢子舉進士第除司農簿遷金部郎中孝宗朝嘗奏左右曹度支倉部宜立總計司歸併財物之數以絕吏奸制可知吉州

即山鍊銅補欠額二十萬光宗初歷大府少卿知秀州
改淮南運判時郡鐵錢大行鹽商弗至師曁請發度牒
出倉粟以收鐵錢鹽利遂通累遷司農卿知臨安府韓
侂冑用事師曁附之遂得尹京轉工部侍郎侂冑嘗飲
南園過山莊顧竹籬茅舍謂師曁曰此真田舍間氣象
但欠犬吠雞鳴耳俄聞犬吠雞鳴問視之乃師曁也侂
冑大笑久之以工部尚書知臨安府侂冑將用兵師曁
度侂冑必召禍乃持異論侍御史鄧友龍劾罷之侂冑

死其黨多坐謫以師霁嘗與佖胄異故獲用除寶謨閣直學士知鎮江府未幾詔為兵部尚書知臨安府會武學生柯子冲盧宣德以事至府師霁擅撻遣之坐是罷免奉祠卒師霁四尹臨安有能聲嘗鈎致民罪沒其家貲諡事權貴人以是鄙之

希言字若訥燕王八世孫淳熙中登第調衢州司戶令郡民以計表其坊里標其戶數為圖獻於守守才之歷知臨安仁和縣開學宮四百餘畝適大旱蝗集御前蘆

場中亘數里希言欲去蘆以除害中使沮其策希言驅卒燔之臨平塘隄決希言督役親捧土投石兵民爭奮堤成因築重隄後不復決累遷樞密院編修官兼右司上言諸將但務城守敵來不拒去不復追異時之憂殆不止保江而已宜諭諸將一軍受圍諸軍共守敵不渡淮則均受賞以戰為守毋以守為守遷宗正丞歷軍器少監又充密院檢詳後奉祠去嘉定十七年卒封越國公諡忠憲子與權至開府儀同三司

希懌字伯和燕王八世孫登淳熙十四年進士第趙汝
愚帥福建希懌為屬吏嘗言治人如修身治政如理家
愛民如處昆弟汝愚嘉之薦於辛棄疾棄疾尚氣僚吏
不敢與可否希懌獨盡言無所避棄疾亦器其能汝愚
當國調江東運司幹辦改太平州通判遷江西茶鹽提
舉歲饑惡少聚劫希懌發粟賑給禽首謀者治之其黨
遂散陞本路帥兼漕事黑風峒羅世傳寇彬陽奸民潛
通賊陰濟以糧希懌捕治之賊乏食乃去未幾李元礪

寇彬陳廷佐寇南安復誘羅世傳與合劫掠龍泉希懌誘世傳誅元礪自贖世傳縛元礪以獻廷佐亦降移知太平州希懌為倖日習知利病遂損折市價減榷酤額以蘇民力已而乞祠遷端明殿學士授昭信軍節度使開府儀同三司致仕嘉定五年卒封成國公

舒王德林蚤亡徽宗時追賜名及封王

秦康惠王德芳開寶元年出閣授貴州防禦使太平興國元年授興元尹山南西道節度使同平章事尋加檢

校太尉六年薨年二十三贈中書令岐王及諡後改楚

王徽宗即位改秦王子三惟叙惟憲惟能惟叙字懋功

端拱初授左武衛將軍四遷左衛將軍領勤州刺史大

中祥符四年從祀汾陰拜左千牛衛大將軍八月卒贈

懷州防禦使追封河內侯明道二年加贈保靜軍節度

觀察留後高平郡公

世系表作高平郡王

子從照

按從照世系表作從照東都事

畧及文獻通考並作從照與此互異

從溥惟憲字有則少頗縱肆長修謹

善射好吟詠端拱初授左屯衛將軍累遷左羽林將軍

領賀州團練使真拜資州團練使大中祥符九年卒贈
安德軍節度使兼侍中英國公子從式從演從戎從戒
從湜從賁惟能字若拙端拱初授右屯衛將軍累遷右
神武軍將軍大中祥符元年卒贈蔡州防禦使張掖侯
明道二年加贈集慶軍節度觀察留後南康郡公子從
古慶歷四年以惟叙子從照封安國公終左金吾衛大
將軍歸州團練使贈齊國公從照卒以惟能子從古封
安國公終延州觀察使贈楚國公

按世系表作
遂寧郡王

諡惠恪

從古卒惟憲子從式襲封舒國公神宗即位封安定郡王終保信軍節度使贈榮王諡安僖從式薨以越王曾孫世準襲封而以從式子世恩為楚國公主德芳祀終楚州防禦使贈奉國節度使諡良僖

安僖秀王子偁秦王五世孫東頭供奉官令僧子高宗族兄也宣和元年舍試合格調嘉興丞是年子伯琮生後被選入宮是為孝宗子偁召赴都堂審察改宗教郎通判湖州尋除直祕閣賜五品服孝宗既封建國公就

傅子偁召對言宗室之寓於外者當聚居官舍選尊長
鈐束年未十五附入州小學十五入大學許依進士就
舉未出官者亦許入學聽讀及二年聽參選高宗納之
遷祕閣修撰知處州已而乞祠許之累官左朝奉大夫
紹興十四年卒時孝宗為普安郡王疑所服詔侍從臺
諫議秦熈等請解官如南班故事及普安為太子贈太
師中書令封秀王諡安僖配張氏封王夫人孝宗即位
稱皇伯紹熙元年即湖州秀園立廟奉神主建祠臨安

府以藏神貌如漢王故事仍班諱嗣秀王伯圭字禹錫
孝宗同母兄也以恩補將仕郎調秀州華亭尉孝宗受
禪除集英殿修撰知台州歷知明州時詔徙戍定海兵
於許浦伯圭奏定海當控扼之衝不可撤備請摘制司
軍以實許浦從之海寇猖獗伯圭遣人諭降其豪葛明
禽其黨倪德撫而用之賊黨遂散以功遷龍圖閣學士
淳熙三年授安德軍節度使尋加開府儀同三司封榮
陽郡王孝宗即位遷太保封嗣秀王紹熙二年

原文作
紹興二

年紹興乃高宗年號考光宗本紀伯圭判大金正事判
在封嗣秀王後係光宗紹熙二年事傳誤今據改

大金正事累加太師免奉朝請兼崇信軍節度使尋薨
追封崇王謚憲靖伯圭性謙謹不以近屬自居每日見
行家人禮雖宴私隆洽執臣節愈恭一日孝宗問潛龍
時事伯圭辭曰臣老矣不復能記問至再三終不言帝
嘗欲廣其居有司既度材矣伯圭固辭而止子九人師
夔師揆師垂師高師禹師皋師巖師彌師貢師夔字汝
一以祖恩補官調太平州蕪湖簿歷台州秀州通判尋

知徽州除直龍圖閣遷江東運判建康務場往往奪民
利為害滋甚師夔首罷之池州軍帥霍政與守臣郊上
書相攻詔師夔究曲直政密遣人求庇師夔斥之政坐
罷去紹熙元年侍父入覲除興寧軍節度使寧宗即位
加檢校少保阜陵成遷開府儀同三同侍父歸父薨師
夔亦卒追封新安郡王師揆字元輔初補右承務郎奉
祠除婺州通判加直秘閣守臣韓元吉薦其材上以問
史浩浩言其聰爽可任召對除江東提舉奏免失陷常

平人毋責償尋遷淮西提刑兼提舉領屯田事奏以荒
圩給軍士其屯田為民世業者勿奪從之紹興元年授
觀察使寧宗即位除奉國軍承宣使尋陞節度使嘉定
七年薨追封愷王諡恭惠弟師禹由保康軍節度使除
開府儀同三司薨追封和王諡端肅

子滿字清卿秦王五世孫孝靖公令奧子

世系表
作令興

登宣

和中進士第調真州刑曹掾與守爭獄事解官去改衛
州推官胡唐老奇其才任之佐唐老繕完城具苗劉兵

至城下不能攻以功進一秩累除直祕閣兩淮轉運副
使時議者言田之並太湖者被水患宜分道諸浦注之
江詔子瀟往案視還言太湖當數州巨浸豈淞江一川
所能獨泄昔人於常熟北開浦二十四以達大江又開
浦十於崑山東南以入海今皆湮塞宜加疏浚從之水
患用息除直敷文閣知臨安府詔權戶部侍郎陞華文
閣待制復知臨安府調三衙卒修築都城不擾而辦帝
幸建康充行宮留守參謀官扈蹕還復知臨安府金人

來議和子瀟謂事情叵測宜以軍禮待之孝宗即位移
知明州沿海制置使初海寇以賂通郡胥吏吏反為之
用匿其蹤跡賊遂大熾商舶不通子瀟延土豪俾率郡
胥分道入海告之曰用命者有厚賞不則殺無貸衆震
恐爭指賊處悉禽獲海道遂平歷進龍圖閣學士移知
泉州乾道二年卒

欽定續通志卷一百八十八

欽定四庫全書

欽定續通志卷一百八十九

宗室傳

宋二

太宗諸子

漢王元佐

昭成太子元僖

商王元份

濮王允讓 士晤 士儼 士嶠
士晴 不羣 不棄 不尤 不怠

善俊
善譽

越王元傑

鎮王元偃

楚王元偁

周王元儼

崇王元億

太宗九子元德李皇后生漢王元佐及真宗昭成太子元億商王元份越王元傑鎮王元偃楚王元偁周王元儼崇王元億史不詳其母氏

漢恭憲王元佐字惟吉初名德崇性聰警貌類太宗帝鍾愛之太平興國中拜檢校太傅同中書門下平章事封衛王改今名進封楚王初秦王廷美遷涪陵元佐獨申救之廷美死元佐遂發狂疾雍熙二年疾少間帝喜

為赦天下重陽日內宴元佐疾新愈不與恚曰諸王侍
宴我獨不與是棄我也遂發忿被酒夜縱火焚宮詔遣
御史捕元佐詣中書劾問廢為庶人居南宮使者守護
真宗即位起為左金吾衛上將軍復封楚王聽養疾不
朝累加太師尚書令兼中書令拜天策上將軍興元收
賜劔履上殿詔書不名仁宗即位兼江陵牧薨年六十
二追封齊王陪葬永熙陵明道二年改封潞王治平元
年改魏王徽宗即位改漢王子三人允升允言允成允

升字吉先養明德太后宮元佐有疾始出第真宗賜名
元中授右監門衛將軍更賜今名封延安郡公歷安德
建雄安國軍節度使景祐二年卒贈平陽郡王謚懿恭
子十三人宗禮宗旦宗悌宗惠知名允言歷左監門衛
大將軍黃州刺史贈奉化侯明道二年追封密國公子
宗說宗正宗育允成終右神武將軍濮州刺史贈郇國
公明道二年加贈鎮江軍節度使兼侍中子宗顏宗訥
宗鼎宗嚴宗魯宗儒宗爽仁宗封十王後以允言子宗

說嗣封祁國公皇祐中坐帷薄不修除名熙寧三年以
允升子宗惠襲封魏國公中書言宗惠不應封以恭憲
庶長孫允言子宗立襲封終武寧軍節度觀察留後贈
南康郡王仲來嗣終金州刺史子不儻嗣不儻卒子
彥清乞襲父爵奉元佐祀詔從之

昭成太子元僖初名德明太平興國七年出閣授檢校
太保同平章事封廣平郡王八年進封陳王改名元佑
帝以諸王尚幼欲其知謙遜之道詔自今宰相班在親

王上雍熙二年為開封尹兼侍中改今名帝將大舉征

幽薊遣使往河北諸州科鄉民為兵元僖論其不便時

趙普為相邪所嫉元僖力言普開國良臣宜復以為相

帝納之

按元僖論科鄉民為兵不便事見東都事畧其薦趙普云云亦詳載普傳中宋史本傳俱失載

以事繫元僖增補于此

進封許王加中書令淳化三年薨贈皇太

子謚恭孝乾興初改謚無子仁宗時詔以允成子宗保

按東都事畧作宗達考楚王元偁傳宗達乃平陽郡王允州之子出繼楚王元偁為孫非出後昭成太子也事

畧出後昭成太子為孫襲封燕國公性仁恕嘗書忍字

於座右以為戒熙寧七年卒贈靜難軍節度使新平郡王謚恭靜子仲恕嗣官至忠州團練使卒子士盍嗣

商恭靖王元份初名德嚴太平興國八年出閣改名元俊拜同平章事封冀王雍熙三年改今名加兼侍中威武軍節度使進封越王真宗即位加中書令歷鎮永興鳳翔改雍王加太傅真宗北征為東京留守堯年三十七贈太師尚書令鄆王改陳王又改潤王治平中封魯王徽宗即位改商王元份寬厚言動中禮子三人長允

欽定四庫全書

李元振通志

卷一百八十九

寧次允中右屯衛將軍

按宋史本傳不載允中官爵今據東都事畧補

早卒次

則濮王允讓也允讓薨以允寧子宗諤襲號國公熙寧

三年以宗肅嗣封魯國公子仲先嗣改封商國公允寧

字德之性至孝因父感疾恍惚失常嗜學通知近朝典

故工虞世南楷法初授右千牛衛將軍四遷右武衛歷

彰信軍節度觀察留後武定軍

東都事畧作軍武軍

節度使景祐

元年卒贈太尉信安郡王謚僖簡子宗諤宗敏宗孟宗

肅

濮安懿王允讓字益之商王元份子也天資渾厚外莊
內寬喜愠不見於色始為右千牛衛將軍周王祐薨真
宗迎養禁中仁宗生送還邸官衛州刺史仁宗即位授
汝州防禦使累拜寧江軍節度使上建睦親宅命知大
宗正寺宗子有好學者勉進之不率教則勸戒之不變
始正其罪人皆畏服慶歷四年封汝南郡王拜同平章
事改判大宗正司嘉祐四年薨年六十五贈太尉中書
令追封濮王仁宗久無子乃以王第十三子宗實為皇

子是為英宗治平元年宰相韓琦等奏請下有司議濮
安懿王及譙國夫人王氏襄國夫人韓氏仙遊縣君任
氏合行典禮詔須大祥後議之二年乃詔禮官與待制
以上議翰林學士王珪等議久未決

謹按通鑑輯覽

御批英宗崇奉濮王事由韓琦等申請且所議並非加尊帝
號更無嫌疑陵僭之虞必執為人後者不得復顧私親以
相辨折既與大記所云不合使濮王尚在又將何以處之
乎且以本生之親改稱伯父固非所安而加皇於伯名亦
不正王珪司馬光之說並無經傳可據徒以強詞爭執自
不若歐陽修援引禮經之為得也原傳載王珪等奏而不
錄歐陽修之既而內出皇太后手詔令皇帝稱親濮安
議今謹從刪

懿王稱皇王氏韓氏任氏並稱后事方施行而英宗即
日手詔曰稱親之禮謹遵慈訓追崇之典豈易克當且
欲以塋為園即園立廟俾王子孫主奉祠事尋罷議神
宗元豐二年詔以濮安懿王三夫人並稱王夫人云王
二十八子長宗懿宿州團練使封和國公神宗以宗懿
濮安懿王元子追封舒王次宗樸隴州防禦使封岐國
公治平中建濮王園廟拜宗樸彰德軍節度使封濮國
公奉王後神宗即位加同平章事兼侍中進封濮陽郡

王薨追封定王宗詎襲封終昭化軍節度使同中書門下平章事薨贈廣陵郡王宗暉元豐中以淮康軍節度使襲封濮國公安懿王及三夫人改祔命為懿并題神

主加同中書門下平章事進嗣濮王薨贈懷王

按世系表作和

王

先是濮國嗣王四孟詣洛享園廟以河南府縣官克

亞終獻宗暉之襲封也神宗始命其子仲璉為之遂以終獻侍祠宗晟昌王宗愈襄王宗綽榮王宗楚惠王宗祐欽王宗漢景王以次襲封徽宗幸濮邸遷其子孫官

時安懿王諸子獨宗漢在恩禮隆腆宗漢薨仲增嗣仲
增漢王孫於屬為長得襲封薨仲御仲爰仲理以次嗣
高宗南遷奉漢王神主於紹興府光孝時嗣漢王仲理
北遷乃詔楚榮王宗輔子仲湜襲封仲湜薨以宗漢子
仲偁襲仲偁薨秦檜專政罷襲檜死始以安懿王曾孫
士伐襲踰年薨士輅士歆以次嗣士歆薨安懿王玄孫
不秬襲時不秬為武功郎以年最高得襲封由庶官襲
封自不秬始不秬薨不豐不儔不嫖不浚以次襲封

士晤

世系表及建炎要錄並作士晤

字公美商王玄孫弱冠為右監門

衛大將軍貴州團練使從上皇北遷次洛州東與諸宗室議欲遁還據城謀未就而金人圍合皆散走士晤西亡抵武安募得少壯百餘人從至磁州招集義兵以解洺圍旬日間得勝兵五千人歸附者數萬時洺州守臣王麟欲叛降敵軍民怒殺之推統制韓一為主士晤夜半薄城下力戰破圍翌日入城部分守禦勵將士死守敵治壕塹樹鹿角示以持久因飛火礮碎其攻具以計

生得其首領乃解去以功遷權知洺州仍兼防禦使紹

興五年遷泉州觀察使再遷平海軍承宣使知南外宗

正事卒贈少師

世系表作太師

追封和義郡王淳熙中謚忠靖

子不流歷臨安紹興帥治有聲

士懷字立之商王玄孫郇康孝王仲御第四子

世系表作第六

子有大志好學善屬文初補右班殿直累遷忠州防禦

使鄭州觀察使由寧遠軍承宣使轉權同知大宗正事

時康王建大元帥府士懷請於孟太后乞命帥府得承制

便宜行事又請奉王承大統太后從之高宗即位除光
山軍節度使扈蹕南幸黃潛善等用事士儼論其誤國
潛善斥之出知南外宗正事會苗傅劉正彥作亂士儼
以蠟書遺張浚趣其勤王復遺呂頤浩書勉其與浚同
濟國難事平以功累加檢校少師判大宗正事入覲勸
帝留意卹民金人既歸河南陝西地命士儼謁陵寢特
封齊安郡王尋權主奉濮安懿王祠事士儼數言事忤
秦檜及岳飛被誣士儼力辨曰中原未靖禍及忠義是

忘二聖不欲復中原也臣以百口保飛無他檜大怒諷
言者論士儼與飛交通遂奪官中丞万俟卨復希旨連
擊之謫居於建凡十二年而薨贈太傅世系表作太師追封循
王子六人長子不凡方苗傅之亂割股納蠟書持告張
浚以功轉兩官易文資從趙哲收復建州殺葉濃以功
賜爵二級

士嶠字仰夫商王玄孫初以廕補官累轉太子率府副
率建炎初隆祐太后幸洪州敵奄至百司散走士嶠躬

負二帝御容遇潰兵數百同行至山中衆欲為盜士崙
出御容示之曰盜不過求食為朝夕計耳孰若仰給州
縣士崙以近屬諭之必從衆聽命乃走謁太后虔州會
虔民作亂鄉民在外為應與官軍相持士崙詣執政請
太后急肆赦人知免死庶可安集又請急諭城中安戢
之城中定則外寇可弭敵既下城中遂定遷右監門衛
大將軍惠州防禦使紹興二十一年卒贈建安郡王

世系

表作建
安郡公

士晴商王玄孫從上皇俱北遷乘間變姓名入僧寺中落髮衣僧衣以行抵會稽扈駕循幸以覃恩轉千牛衛將軍奉朝請而卒

不羣字介然商王五世孫宣和中量試授承事郎靖康初宰章邱縣當山東河北之衝不羣募五千人增城浚濠為戰守備敵攻圍兩月不能下累遷直秘閣通判鎮江府辟克兩浙宣撫司主管機宜文字高宗在越詔改郴州時羣盜出沒湖湘間不羣嚴備禦盜不能犯會岳

飛破曹成成遁因犯郴不羣乘城固守拒邵之進直寶
文閣移知宣州軍需以時辦而民不擾知廬州鄴瓊叛
擁不羣北去尋釋歸除知荆南府累遷兩浙路轉運副
使卒

不棄字德夫太宗之裔紹興中為江東轉運判官秦檜
忌四川宣撫使鄭剛中以不棄能制之除四川宣撫司
總領官不棄至官用張憲成故事以平牒見剛中剛中
愕然久之始悟其不隸已遂有隙不棄欲盡取宣撫司

所儲剛中不與不棄怒剛中辟利州轉運使王陟兼本
司參議不棄劾罷之二人愈不相能檜併召還剛中在
蜀服用頗踰制不棄復文致其事檜乃罷剛中陞不棄
敷文閣待制知臨安府踰年改工部侍郎尋除敷文閣
直學士知紹興府未幾卒

不尤有武力靖康之難與王明募義兵與金人戰雄張
河南北盜皆避其鋒曰此小使軍也高宗即位引衆歸
補武翼郎從岳飛平湖寇飛死檜奪其兵遣守橫州而

辛子善恭登進士第累官兩浙轉運副使

不忌字仁仲商王五世孫父士圖從上皇北遷遙拜集
慶軍節度使不忌初補保義郎紹興二十七年登第易
左宣義郎調婺州金華丞除知開州開在巴東俗鄙陋
不忌為興學俾民知孝義在開二年民絕鬪爭夜戶不
閉諸司交薦轉夔州轉運判官累遷成都路轉運判官
歲饑不忌行抵瀘南貸官錢五萬緡遣吏分糴比至下
令曰米至矣富民爭發粟米價遂平黎州青羌諾爾嘉

勒反朝廷命不怠攝制司苗豪莽蘇爾吹喇率數千人
入漢地二百餘里成都大恐不怠靜以鎮之召僚屬飲
夜遣步將領飛山軍徑赴沅黎又徙綿州兵戍邛州為
後援令堅守勿動密檄諸蕃部生獲吐蕃一人賞十緡
殺一人二緡遂大破吐蕃於漢源斬莽蘇爾吹喇首來
獻凡十有六日而平嘉州虛恨蠻入寇不怠標吐蕃首
境上蠻懼一夕遁去不怠乃令緣邊家出丁夫一人分
戍諸堡復其家擢右監門衛大將軍惠州防禦使知大

宗正事進昭慶軍承宣使金人完顏烈來聘克館伴副
使金使從者舊見館使皆對揖不怠不為禮宴玉津園
不怠連射皆中使者驚服不怠以文行訓勉族屬薦其
秀傑者奏新學官增廣弟子員倣大學校定法置自訟
齋使有過者讀書其中人人感勵淳熙十四年卒贈崇
國公不怠性篤孝居官所至有聲立朝好言天下事其
論王朴不宜揀選諸路軍王友直不可為副都指揮使
尤人所難言者遇大旱一日九疏勸上求直言通下情

時布衣上書狂悖多抵罪不惡謂太上皇帝不罪言者
此宜書之御座右帝悚然可之一日坐待漏院有給事
中白英國公偕擊毬馬不惡正色曰上惟一皇孫萬一
馬驚墮斬汝輩無益也馬竟不可得所敬者朱熹張栻
栻死為請謚又請用熹其好尚如此

善俊字俊臣商王六世孫閩路兵馬鈐轄

世系表云贈正義大夫

不衰子初補承節郎紹興二十七年登第換左承務郎
調南城丞改昭信軍虞允文薦其有邊帥才除幹辦諸

司審計司知彬州尋攝帥知廬州會歲旱江浙饑民糜
至善俊括境內官田均給之貸牛種僦屋以居州城舊
毀於兵善俊葺完之募鄉民保孤嫗二山治屋儲粟以
為禦敵計累遷龍圖閣直學士移知建州建俗生子往
往不舉善俊痛繩之給金穀捐已俸以助其費再知廬
州首言和好不可恃當高城浚池以為備復芍陂七門
堰農政用修再知建州歲饑民羣趨富家發其廩監司
議調兵掩捕善俊曰是趣亂也諭許自新平米價民乃

定歷江西轉運副使時朝廷議減月榷錢善俊言及州
不及縣則縣仍迫取於民猶不減也宜一路通裁其額
下之漕臣科郡縣輕重均減之又奏和買已是白科從
而折變益加糜費其數反重於正絹併乞蠲減所言多
見用轉湖南帥移知鎮江府卒善俊喜功名好論事孝
宗英武獨運缺相者累年善俊極言相位不可無人尤
人所難言者

善譽字靜之父不倚

按世系表商王房有四不倚而其子俱無名善譽者善譽之父則不

晦也表傳必有一誤

商王後也善譽幼敏慧力學乾道五年試禮

部第一初調昌國簿攝邑事勸編戶裒金買田以助嫁娶喪葬捕得海盜全黨守欲上其功善譽曰奈何以人命希賞守益賢之薦于朝授兩浙運幹改知撫州臨川縣改常州添差通判史浩言其賢詔赴部堂審察累遷大理丞湖北常平茶鹽提舉奏罷稅場十餘渡四十五民便之俾諸郡售田委郡文學董其入以給計偕者移潼川路提刑轉運判官遂寧守徐詡乏廉聲部使者以

其故御史寬假之善譽過遂寧詡出迎善譽抑使循廊
詡大沮郡人聞之爭訟其過善譽劾諸朝宰相王淮善
詡寢其章善譽徑以聞罷詡又以羨賢給諸郡置莊田
宗子寓蜀者少業儒善譽即郡庠立學以教之人始感
勵引年乞祠歸處一室以圖書自娛無疾而卒善譽早失
怙恃撫育諸季備至居官廉靖自將多所著述郭雍朱
熹嘗取其易說云

汝述字明可商王七世孫曾祖士說從二帝北遷臨河

罵敵而死汝述登淳熙十一年進士第調南劍州順昌尉嘉定六年詔主管官告院自是常兼宰士八年除起居郎兼密院都承旨俄遷兵部侍郎改刑部侍郎還尚書知平江府卒汝述為尉應詔上封事論議懇惻立朝薦引多知名之士然為時相所親躡躋通顯人亦以此少之

越文惠王元傑字明哲初名德和太平興國八年出閣改今名授檢校太保同平章事封益王端拱初加兼侍

中成都尹劔南東西川節度使淳化中改封吳王真宗
即位加檢校太尉兼中書令徐州大都督歷鎮武寧泰
寧改封兗王咸平中再郊祀皆為終獻加守太保六年
七月薨年三十二元傑穎悟好學善屬詞工草隸飛白
建樓貯書二萬卷及為亭榭遊息之所嘗作假山既成
置酒召僚屬觀之翊善姚坦獨頰首不視元傑強之坦
曰坦見血山安得假山語見姚坦傳中及薨真宗聞之
震悼贈太尉尚書令追封安王後改邢王治平中改陳

王徽宗即位改越王無子仁宗以恭憲王之孫允言子宗望為之後宗望終右武衛大將軍舒州防禦使贈安化軍留後高密郡公子仲邵嗣熙寧三年封陳國公官

陳州觀察使卒子仕闕

東都事畧作仕開

嗣

鎮恭懿王元偓字希道端拱元年出閤授檢校太保左衛上將軍封徐國公至道二年拜鎮南軍節度使真宗即位加同平章事封彭城郡王徙鎮靜難彰化進封寧王郊祀東封悉為亞獻三年文武官詣闕請祠后土元

偓以領節帥亦奏請詔許之改封相王真宗自即位以來屢以學術勗宗子元偓首冠藩戚益自修勵上謂宰相曰朕每戒宗子作詩習射如聞頗精習將臨觀焉因幸元偓邸第宴從官宮僚元偓奉觴上壽如家人禮累拜太尉兼尚書令天禧元年徙鎮成德鎮寧進封徐王二年薨年四十二贈太師尚書令鄧王改封密王又改蘇王治平中追封韓王徽宗即位改鎮王子允弼仁宗時累遷武寧軍節度使兼侍中判大宗正事封北海郡

王英宗時拜中書令徙王東平神宗即位拜太保熙寧二年丁母憂悲痛不勝喪固辭起復母葬有日而允弼病篤顧諸子以不得終大事為恨薨贈太師尚書令兼中書令追封相王謚曰孝定子宗績襲封韓國公贈南康郡王子仲麇嗣

楚恭惠王元偁字令聞七歲授檢校太保右衛上將軍涇國公父之領鄂州都督武昌軍節度使真宗即位加同平章事安定郡王遷宣德保寧兩鎮進封舒王累加

兼中書令歷鎮南寧國軍節度使拜太保自景德後每
有大事皆為終獻大中祥符七年薨年三十四贈太尉
尚書令追封曹王改華王治平中封蔡王徽宗即位改
楚王子允則右千牛衛大將軍先是諸王子授官即為
諸衛將軍餘以父官及族屬親疎差等天禧元年令宗
正卿趙安仁議定制安仁請以宣祖太祖太宗孫初廢
授將軍曾孫授右侍禁元孫授右班殿直內父爵高者
聽從高廢其事緣特旨者不以為例詔中書門下樞密

院參定行之允則無子以平陽懿恭王允升子宗達為
後熙寧三年襲封蔡國公累武信軍留後卒贈高密郡
王仲約嗣

周恭肅王元儼少奇穎太宗特愛之不欲令早出官期
以年二十始就封真宗即位授檢校太保左衛上將軍
封曹國公明年為平海軍節度使拜同中書門下平章
事封廣陵郡王進封榮王歷鎮安靜武信加兼中書令
坐侍婢縱火延燔禁中奪武信節降封端王尋拜鎮海

安化軍節度使封彭王改通王涇王仁宗即位拜太尉
尚書令兼中書令封定王天聖七年封鎮王明道初拜
太師改封孟王歷永興鳳翔京兆尹封荆王景祐二年
授荆南淮南節度大使行荊州揚州牧元儼嚴毅不可
犯天下崇憚之名聞外夷事母王德妃孝妃每有疾躬
侍藥晨夕盥潔焚香以禱至憂念不食平生寡嗜慾惟
喜聚書好為文詞仁宗冲年即位章獻皇后臨朝自以
屬尊望重恐為太后所忌因闔門卻絕人事謬語陽狂

不預朝謁及仁宗親政益加尊寵嘗問翊善王渙曰元昊平未對曰未也曰如此安用宰相為聞者畏其言慶

曆三年疾甚帝親臨問所對多忠言賜白金五千兩固

辭不受

按邵氏聞見錄周恭肅王數取金錢於有司積數百萬有司以聞詔除之御史沈遵言其不可

帝慘然曰太宗子八人惟王一人在耳朕當以天下為養數百萬錢不足計也與本傳所載異明年薨

贈天策上將軍徐兗二州牧燕王治平中改封吳王徽

宗即位改周王

按元儼治平中改封吳徽宗即位復改封周宋史所載未悉今據東都事畧補

順

子十三人允熙允良允迪允初餘皆早卒熙寧中以允

良子宗絳嗣封允熙終右監門衛將軍滁州刺史贈博
州防禦使博平侯允良歷五節度領寧海平江兩軍封
華原郡王改襄陽允迪累官耀州觀察使居父喪不哀
制降右監門衛大將軍絕朝謁按東都事畧允迪為安
靜軍節度使以居父喪
不哀責授右監門衛大將軍久之遷嘉州觀
察使復鎮安靜卒贈永嘉郡王與傳互異 允初累遷

寧國軍節度使同中書門下平章事治平元年卒贈中
書令博平郡王無子以允成孫仲連為後

崇王元億早亡追賜名封代國公治平中封安定郡王

徽宗時改封

欽定續通志卷一百八十九

欽定四庫全書

欽定續通志卷一百九十

宗室傳

宋一

真宗諸子

悼獻太子祐

仁宗三子

英宗諸子

吳王顓

益王顓

神宗諸子

吳王似

燕王俣

楚王似

哲宗一子

徽宗諸子

鄆王楷

肅王樞

景王杞

濟王栩

徐王棣

沂王曄

和王栻

信王榛

欽宗諸子

皇太子諶

訓

高宗諸子

元懿太子粦

信王璩

孝宗諸子

莊文太子愔

魏王愔

光宗二子

寧宗諸子

景獻太子詢

鎮王竑

真宗六子章穆郭皇后生太子祐

文獻通考作玄祐

章懿李皇

后生仁宗溫王禔昌王祗信王祉欽王祈不詳其母氏

溫王禔蚤薨徽宗時賜名追封

悼獻太子祐咸平初封信國公生九年而薨追封周王

賜諡仁宗即位贈太尉中書令明道二年追冊為皇太

子

昌王祗

信王祉

欽王祈皆蚤薨徽宗時賜名追封

按原史不載信王祉
蚤薨事今依東都事

畧補
輯

仁宗三子俞才人生楊王昉苗昭儀生雍王昕朱才人
生荆王曦英宗以濮安懿王子為子

揚懷靖王昉生未踰月而薨追封褒王賜名及諡後封
魏王治平中封周王徽宗時追贈

雍悼穆王昕封壽國公三歲而薨追封豫王賜諡改封

魏王治平中封唐王徽宗時追贈

荆悼懿王曦慶厯三年生五年賜名封鄂王未及宣制

而薨賜諡改封陳治平中封燕王徽宗時追贈

以上三王並据

東都事畧補

英宗四子神宗吳王顥潤王顏蓋王顥皆宣仁聖烈高

皇后生

吳榮王顥字仲明初名仲紃自右內率府副率為和州

防禦使封安樂郡公轉明州觀察使進祔國公賜今名

按東都事畧仲紀封祁國公
後漢宗始賜名顯今據補

拜保寧軍節度使同中書

門下平章事封東陽郡王治平三年出閣神宗即位進

封昌王改岐王

按顯先改封岐復改封雍史稱岐嘉二王本傳不載封岐事今據神宗本紀及

東都事畧補

復徙王雍哲宗即位加太保移成德橫海二鎮

封揚王元豐末移鎮京兆鳳翔

按續通鑑長編作移鎮永興鳳翔事在元祐元

年與此互異

自熙寧以來顯屢請居外至元祐初乃賜咸宜

坊第一區榜曰親賢與弟顯對邸拜太尉諸子皆命賜

官徙封徐王宣仁祔廟累拜太師徙王冀改鎮淮南荆

南封楚王亮年四十七贈尚書令兼中書令封燕王陪
葬永厚陵徽宗即位改封吳王顥天資穎異尤嗜學神
宗每得異書亟馳使以示嘗賜方團玉帶俾服而朝顥
辭乃為製玉魚以別之自後親王遂踵為故實初居英
宗喪丐解官終制慈聖光獻太后之服易月當除顥請
如心喪禮須上禫除即吉從之子孝騫嗣終寧國軍節
度使晉康郡王孝錫終嘉州團練使贈永國公

潤王顏蚤薨徽宗時賜名追贈

益端獻王頤初名仲格

東都事畧作仲格

封大寧郡公進鄆國

公改賜今名進樂安郡王徙封高密

按頤徙封高密郡王本傳失載今據

神宗本紀補

熙寧四年進嘉王歷武勝山南西保信保靜武

昌武安武寧鎮海成德荆南十節度徙王曹累拜太尉

元祐三年薨年三十三贈太師尚書令魏王徽宗即位

改封益王子九人孝哲右驍衛將軍早亡孝奕彰化軍

留後贈司空平原郡王孝參終武勝軍節度使豫章郡

王孝永邢州觀察使贈司空廣陵郡王孝詒孝隲孝悅

孝穎孝愿皆至節度使

按東都事畧無孝永即以孝哲為邢州觀察使廣寧郡王據此

則與九人之數不符當以宋史為正又孝詒作孝怡孝悅作孝忱亦與傳互異

神宗十四子欽成朱皇后生哲宗楚王似欽慈陳皇后

生徽宗宋夫人生成王侑邢賢妃生惠王僅冀王僖徐

王侑宋婕妤生唐王俊向夫人生褒王伸邢婉儀生豫

王侑武賢妃生吳王佖郭夫人生儀王偉林婕妤

文獻通考

作賢妃生燕王俱越王偲

成王侑

惠王僅皆蚤薨徽宗時賜名追封

唐哀獻王俊熙寧七年封永國公十年薨贈充王徽宗時追封

褒王伸蚤薨徽宗時賜名追封

冀王侂熙寧八年封景國公是歲薨徽宗時追贈

豫王侂熙寧十年封建國公元豐元年薨贈衛王徽宗時改封

徐冲惠王侂早薨贈鄆王徽宗時改封

以上七王據東都事畧及文獻

通考
增輯

吳榮穆王佖初授山南東道節度使封儀國公哲宗即位
封大寧郡王進申王拜司空帝崩佖於諸弟為最長以有
目疾不得立徽宗即位加太師歷京兆真定尹荆揚太原
興元牧徙王陳崇寧五年薨贈尚書令兼中書令燕王又
加贈侍中改封吳王子有奕武信軍節度使和義郡王
燕王俱越王偲同母俱初授武定軍節度使封成國公
偲初授武成軍節度使祁國公哲宗朝俱封咸寧郡王

偲永寧郡王是後累換節鉞歷任尹牧俱進封莘王偲
封睦王徽宗即位俱改封衛王魏王燕王偲改封定王
鄧王越王靖康元年同遷太師俱授河東劍南西川節
度使成都牧偲授永興成德軍節度使雍州真定牧上
皇幸青城父老邀之不及道遇二王哭曰願與王俱死
徐秉哲益兵衛送於金營至慶源境上俱乏食薨偲至
韓州而薨

儀王偉蚤薨徽宗時賜名追贈

楚榮憲王似初授集慶軍節度使封和國公進普寧郡王元符元年出閤封簡王似於哲宗為母弟哲宗崩皇太后議所立宰相章惇以似對后曰均是神宗子何必然乃立端王徽宗即位徙封蔡拜太保歷鎮鳳翔雄武以王府史語言指斥送大理寺驗治似上表待罪左司諫江公望上疏極諫帝罷公望知淮陽軍然頗思其言止治其左右崇寧中徙鎮荆南武寧崇寧五年薨贈太師尚書令兼中書令韓王改封楚王子有恭定國軍節

度使永寧郡王

哲宗一子獻愍太子茂昭懷劉皇后所出三月而夭追賜名封越王諡冲獻徽宗時改諡獻愍

徽宗三十一子顯恭王皇后生欽宗顯仁韋皇后生高

宗明達劉皇后生益王

文獻通考作濟陽郡王

棧祁王模信王榛

明節劉皇后生建安郡王拱嘉國公椅英國公撝諸姬

生充王檉鄆王楷荆王揖肅王樞景王杞濟王昀邵王

材莘王植儀王

文獻通考作華原郡王皆從其始封也

朴徐王棣沂王禔

鄆王拱和王拭漢王椿安康郡王握廣平郡王捷陳王

東都事畧機相國公挺大金國志作挺東都事畧次瀛

國公機溫國公揀儀國公桐昌國公柄潤國公挺

充冲僖王捏建中靖國元年九月生一夕而殞追賜名

贈王及諡

據東都事畧補

鄆王楷初名煥封魏國公進高密郡王嘉王歷奉寧鎮

安鎮東武寧保平荆南寧江劍南西川鎮南河東寧海

十一節度使政和八年拜太傅改王鄆仍提舉皇城司

出入禁省不復限朝暮於外第作飛橋複道以通往來
北伐之役將以為元帥會白溝失利而止欽宗即位改
鎮鳳翔彰德軍靖康初與諸王皆北遷

荆悼敏王揖崇寧間封楚國公進南陽郡王改王樂安

薨追贈及諡

據東都事畧補

肅王樞初封吳國公進建安郡王肅王歷節度六鎮靖

康初金兵圍京城要帝子弟為質於是遣宰臣張邦昌

從王使幹唃布軍

按欽宗紀及高宗紀載靖康元年命張邦昌副康王使金軍幹唃布留之

肅王至康王始還邦昌留質是邦
昌先從康王使金也與傳互異
去
為金人所留挾以北

景王杞初授武安軍節度使封冀國公大觀二年封文
安郡王政和中進封王靖康元年歷鎮荆南鎮東累遷
太傅二年遣詣金營充賀正旦使既歸又從帝幸青城
及上皇出郊杞日侍左右衣不解帶食不食肉上皇製
發願文述祈天請命之意以授杞杞頓首泣及北行鬚
髮盡白

濟王栩初授鎮洮軍節度使封魯國公大觀二年封安康郡王政和中進封王靖康元年歷鎮護國寧海累遷太傅同景王杞為賀金人正旦使既還又與何鼎為請命使金帥給栩曰自古有南即有北不可相無今所欲割地而已栩歸言金帥請與上皇相見帝曰豈可使上皇蒙塵遂自出以栩從行

益王玠大觀元年封揚國公進淮南郡王徙濟陽後以橫海軍節度使進封

邠冲穆王材大觀二年封魏國公薨加封及諡

祁王模大觀二年封鎮國公進樂安郡王歷武勝興寧

軍節度使進封王靖康元年改鎮清海慶源

莘王植大觀二年封吳國公進信安郡王授寧江軍節

度使進封王靖康元年改鎮保平崇信

以上四王並據東都事畧補

徐王棣初授鎮江軍節度使封徐國公宣和中徙鎮鎮

南封高平郡王尋改山南東道河陽三城節度使進封

王從帝北遷

沂王桴初授橫海軍節度使封冀國公宣和中封河間
郡王歷徙劍南東川威武軍節度使遷太保進封王從
帝北遷後與駙馬劉彥文告上皇左右謀變金遣人按
問桴彥文氣折金人誅之

謹按通鑑輯覽

御批桴身為俘繫國難責其誓志枕戈而值邦家傾覆亦當
懷生還故國之念乃無端告變圖害父兄金人按問而正
其罪深合春秋亂臣賊子之誅不特為宗族除梟獍而已
也然顛沛流離至此而尚有操室中之戈者則其家教人
心從可知矣非微歛
之罪其誰之罪乎

鄆冲懿王拱政和元年封定國公二年薨追封及諡

據東

都事
畧補

和王栻初授靜江軍節度使封廣國公宣和中封南康
郡王靖康元年歷徙瀛海安化軍節度使加檢校太傅
進封王從帝北遷

信王榛初授建雄軍節度使封福國公宣和末封平陽
郡王靖康元年歷徙慶陽昭化軍節度使加檢校太傅
進封王後從帝北行至慶源亡匿真定境中時馬廣與
趙邦傑聚兵保五馬山砦陰迎榛歸奉為主兩河遺民

聞風響應榛遣廣詣行在奏願總大軍與諸砦鄉兵約
日大舉廣既至黃潛善汪伯彥疑其非真上識榛手書
遂除河外兵馬都元帥潛善伯彥終疑之廣將行密授
朝旨使察榛復令廣聽諸路節制廣知事不成遂留大
名府不進金人恐廣以援兵至急發兵攻諸砦斷其汲
道諸砦遂陷榛亡不知所在或曰後與上皇同居五國
城

漢王椿政和二年封慶國公薨追封

安康郡王握政和二年封衛國公復改封鄆靖康元年
進封

廣平郡王捷政和三年封韓國公靖康元年進封
陳王機政和五年與瀛國公樾同封

相國公挺政和四年封

建安郡王拱政和五年封惠國公宣和中進封

嘉國公椅政和八年封

溫國公棟宣和元年封

英國公摠宣和二年封

儀國公桐宣和三年封

昌國公柄宣和四年封

潤國公攬宣和七年封

以上十三王並據東都事畧補

欽宗二子仁懷朱皇后生太子諶次子訓不詳其母氏

按宋史自徽宗以上俱標某宗幾子自欽宗以後俱不列標題今據東都事畧文獻通考補輯以符史例

太子諶政和七年生為嫡皇孫徽宗喜蔡京奏除檢校少保常德軍節度使封崇國公從之會王黼謀傾京言

其以東宮比人主遂降為高州防禦使靖康元年遷昭慶軍節度使大寧郡王進檢校少傅寧國軍節度使四月立為皇太子帝幸青城命孫傳謝克家輔太子監國稱制未幾金人脅二帝諭太子出城統制吳革力請留欲以所募士微服衛太子潰圍以出傳不許乃謀匿民間別求狀類太子者并宦者二人殺之紿以宦者竊太子欲投獻都人爭之併傷太子遲疑不決者五日吳玠莫傳督脅甚急范瓊恐變生遂擁太子與皇后共車以

出百官軍吏奔隨號哭太子呼云百姓救我哭聲震天已而北去

訓北地所生有碭山人留遇僧者金人見之曰全似趙家少帝遇僧竊喜紹興十年三京路通詔求宗室遇僧自言少帝第二子守臣遣赴行在過泗州州官孫守信白其守請於朝詔守信劾治遇僧伏罪後有自北至者曰淵聖小大王訓見居五國城

高宗一子太子萼潘賢妃生信王璩孝宗皆以宗室子

為子

元懿太子募建炎元年生於南京拜檢校少保集慶軍節度使封魏國公金人侵淮南帝幸臨安會苗傅劉正彥作亂逼帝禪位於募改元明受既而傅等伏誅帝復位以為皇太子從幸建康薨

信王璩字潤夫初名伯玖太祖七世孫秉義即子彥子也生而聰慧初伯琮以宗子被選入宮高宗命鞠于嬖好張氏吳才人亦請於帝遂以伯玖命才人母之賜名

璩除和州防禦使時生七歲矣伯琮以建國公就傳璩
獨居禁中俄拜節度使封吳國公宰執趙鼎劉大中王
庶等堅持之命不果行會秦檜專政遂除保大軍節度
使封崇國公紹興十五年進封恩平郡王出就外第時
伯琮已封普安郡王璩官屬禮制相埒號東西府踰年
改鎮武昌子彥卒璩去官持服終喪還舊官顯仁太后
崩普安郡王立為皇太子璩因加恩稱皇姪名位始定
判大宗正事孝宗即位授少保改鎮靜江判西外宗正

司璩累章乞閒改醴泉觀察使淳熙中進少傅

朝野雜記作進

少保高宗崩奔赴得疾踰年薨追封信王累贈太師子四

人師淳歷永州防禦使師灝師淪師路並武翼大夫

按朝

野雜記載師淳紹熙初換南班師淪真除刺史師路作師路以通州團練使奉祠與傳所載詳畧互異附識于此

孝宗四子太子愔魏王愷光宗邵王恪皆成穆郭皇后

所生

莊文太子愔初名愉補右內率府副率尋賜名愔除右

監門衛大將軍榮州刺史孝宗為皇子時愔拜蘄州防禦使及即位除少保永興軍節度使封鄧王故事皇子出閣封王兼兩鎮然後加司空愔自防禦使躡拜少保異數也乾道元年立為皇太子三年薨年二十四子挺生甫辟除福州觀察使封榮國公乾道九年卒追封豫國公寧宗時命宗子希璘為太子後希璘太祖九世孫也賜名搢歷忠州防禦使後更名思正

魏惠憲王愔初補右內率府副率轉右監門衛大將軍

貴州團練使孝宗即位拜雄武軍節度使封慶王莊文
太子薨愷次當立帝意未決既而以恭王英武類已竟
立之加愷雄武保寧軍節度使封魏王判寧國府命宰
執設祖于玉津園王登車顧謂虞允文曰更望相公保
全比至鎮奏朝天申節許之府長史上言欲與司馬分
治郡俾王受成愷奏曰臣被命判府今專委長史司馬
是處臣無用之地况一郡置三判府臣恐吏民紛競不
一徒見其擾長史司馬宜主錢穀訟牒俾擬呈臣臣依

而判之庶上下安事益易治又請增士人貢額朝廷悉從之愷究心民事築圩田之墾圯者帝手詔嘉勞之淳熙元年徙判明州輟屬邑田租以贍學加荆南集慶軍節度使行江陵尹尋改永興成德軍節度使揚州牧七年薨年三十五贈淮南武寧軍節度使揚州牧兼徐州牧子二人摠早卒柄封吳興郡王領昭慶軍節度使開禧三年薨封沂王子垓早夭詔立宗室希瞿子為其後加福州觀察使即鎮王竑也

邵悼肅王恪早薨追封及謚

光宗二子挺寧宗皆慈懿李皇后生

挺保寧軍節度使蚤薨

寧宗九子長子未名而天莫詳母氏恭淑韓皇后生充

王峻郇王坦郢王增

按世系表闕郢王名今據本紀補

華王垆鍾夫人

生順王圻申王塽次肅王垍郢王坻史不言其母氏景

獻太子詢理宗鎮王竑皆以宗室子為子

究冲惠王峻

邠冲温王坦

郢冲英王增

華冲穆王炯

順冲懷王圻

申冲懿王塈

肅冲靖王垧

邠冲美王抵皆早薨追封及諡

光宗二子寧宗九子
並據文獻通考增輯

景獻太子詢燕王後太祖十一世孫也初名與愿寧宗

既失充王從宰執京鎧等請取與愿養于宮中年六歲
賜名曦除福州觀察使拜威武軍節度使封衛國公開
禧元年時邊事益急金人請誅首謀用兵者曦用翊善
史彌遠計奏韓侂冑輕起兵端上危宗社宜黜罷以安
邊境從之立為皇太子封榮王更名懔詔御朝太子侍
立宰執日赴資善堂會議出居東宮更名詢嘉定十三
年薨年二十九

鎮王竑希瞿子也初沂王薨無嗣以竑為之後賜名均

尋改賜名貴和太子詢薨立為皇子賜今名授寧武軍
節度使封祁國公嘉定十五年封齊國公十七年六月
辛未竑生子詔告天地宗廟社稷宮觀八月賜名銓丁
亥銓薨追封永寧侯竑好鼓琴丞相史彌遠買美人善
鼓琴者納諸御使睨竑動息美人知書慧黠竑嬖之宮
壁有輿地圖竑指瓊厓曰吾他日得志置史彌遠於此
又嘗呼彌遠為新恩以他日非新州則恩州也彌遠聞
之因七月七日進乞巧奇玩以覘之竑乘酒碎於地彌

遠大懼日夕思傾竝而竝不知也時沂王猶未有後理
宗方選入沂邸賜名昀一日彌遠獨與國子學錄鄭清
之語曰皇子不堪負荷聞後沂邸者甚賢今欲擇講官
君其善訓迪之事成彌遠之坐即君坐也乃以清之兼
魏惠憲王府教授清之即以昀詩文翰墨示彌遠譽之
不容口彌遠問大要竟何如清之曰其人之賢更僕不
能數然一言以斷之曰不凡彌遠領之策立之意益堅
寧宗崩彌遠始遣清之往告昀以將立之之意時竝跂

足以需宣召久而不至彌遠在禁中遣快行宣皇子令之曰今所宣是沂靖惠王府皇子非萬歲巷皇子苟誤則汝曹皆處斬竝不能自己屬目牆壁間見快行過其府而不入疑焉已而擁一人徑過天已暝不知其為誰甚惑昀既至彌遠引入樞前舉哀畢然後召竝竝聞命亟赴至則每過宮門禁衛拒其從者彌遠亦引入樞前舉哀畢引出帷殿帥夏震守之既而召百官立班聽遺制則引竝仍就舊班竝愕然未幾遙見燭影中一人已

在御坐宣制畢閣門贊呼百官拜舞賀新皇帝即位竝
不肯拜震捽其首下拜皇后矯遺詔竝進封濟陽郡王
判寧國府帝因加竝少保進封濟王今就賜第實慶元
年湖州人潘壬與其弟丙謀立竝竝聞變匿水竇中壬
等得之擁至州治以黃袍加身竝號泣不從不獲已與
之約曰汝能勿傷太后官家乎衆許諾遂發軍資庫金
帛會子犒軍命守臣謝周卿率官屬入賀偽為李金榜
揭于門數彌遠廢立罪比明視之皆太湖漁人及巡尉

欽定續通志卷一百九十